

十七

唐千金類方

上海千頃堂書局發行
嚴如經署



備急千金要方卷第十七 大腸腑

後學三水黃恩榮幹南編述

學生	三男
廣州中醫藥專門畢業	中醫藥專門畢業
學館專門畢業	東南醫科大學學士
陳景山	悌君
覆校	校對

大腸腑脉論第一

大腸腑虛實第二

肛門論第三

皮虛實第四

欵嗽第五

痰飲第六

九蟲第七 濕匿蟲附

大腸腑脉論第一

論大腸腑

論曰。大腸腑者。主肺也。鼻柱中央。是其候也。肺合氣于大腸。大腸者。為行道傳瀉之腑也。號監倉掾。重二斤十二兩。長一丈二尺。廣六寸。當臍右回。疊積。還反十二曲。貯水穀一斗二升。主十二時。定血脈。和利精神。千金明堂外臺同。難經云。長二丈一尺。大四寸。徑一寸之少半。十六曲。盛穀一斗。水七升半。鼻遂以長。以候大腸。

肺應皮。皮厚者大腸厚。皮薄者大腸薄。皮緩腹裏大者。大腸緩而長。皮急者。大腸急而短。皮滑者。大腸直。皮肉不相離者。大腸結。

論大腸病

大腸脹者。腸鳴而痛。寒則泄。食不化。

大腸有寒。鶩溏。有熱。便腸垢。

大腸有宿食。寒慄發熱。有時如瘧狀。

肺前受病。移于大腸。肺欬不已。欬則遺矢。便利。厥氣客于大腸。則夢田野。

扁鵲云。手太陰與陽明為表裏。大腸若病。實則傷熱。熱則脹滿不通。口為生瘡。食下

入腸。腸實而胃虛。食下胃。胃實而腸虛。所以實而不滿。乍實乍虛。乍來乍去。虛則傷

寒。寒則腸中雷鳴泄青白之利。而發于氣水。根在大腸。方在治水篇中。即第十二卷水腫門治大

腸水方

大腸絕不治。何以知之。泄利無度。利絕則死。

論大腸經脉

手陽明之脉。起于大指次指之端外側。循指上廉。出合谷兩骨之間。上入兩筋之中。

循臂上廉。上入肘外廉。循臑外前廉上肩。出髃骨之前廉。上出柱骨之會。上下入缺

盆絡肺下。膈屬大腸。其支者。從缺盆直而上頸貫頰。入下齒縫中。還出俠口。交人中。



左之右。右之左。上俠鼻孔。是動則病齒痛。頰腫。是主津所生病者。經作主津。液所生病。目黃。口乾。衄血。喉痺。肩前臑痛。大指次指痛。不用。氣盛有餘。則當脉所過者熱。腫虛則寒。慄不復盛者。則人迎大三倍於寸口。虛者則人迎反小於寸口也。

大腸經刺法

右手關前寸口陽絕者。無大腸脉也。苦少。氣心下有水氣。立秋節即效。巢源大腸象金。王手秋。刺手太陰。治陰在魚際間。

右手關前寸口陽實者。大腸實也。苦腸中切痛。如針刀所刺。無休息時。刺手陽明。治陽在手腕中瀉之。



大腸虛實第二 脉二條 灸法七首 方二首

大腸實熱

右手寸口氣口以前脉陽實者。手陽明經也。病苦腸滿。善喘。欬。面赤。陽明上於面。喉咽中如核狀。太陽脉上頸。名曰大腸實熱也。

生薑泄腸湯 治大腸實熱。腹脹不通。口為生瘡者。

生薑 橘皮 青竹茹 黃芩

梔子仁 白朮 各三兩 桂心 一兩 茯苓

芒消 各三兩 生地黄 十兩 大棗 十四枚

右十一味。咀咀。以水七升。煮取三升。去滓下芒消。分二服。

大腸主津。所生病。其氣有餘。寒氣客之。則熱。熱則實。腹不通。口為生瘡。生薑泄腸湯。桂心生薑大棗散風寒。竹茹梔子黃芩泄腸熱。重用生地滋燥火。橘皮利水穀。經見本白朮茯苓行津液。而腸不通。口為生瘡。以除。

灸法

腸中臌脹不消。灸大腸輸四十九壯。

大腸有熱。腸鳴腹滿。俠臍痛。食不化。喘不能久立。巨虛上廉主之。

大腸虛冷

右手寸口氣口以前脉陽虛者手陽明經也病苦胸中喘腸鳴虛欬脣乾目急善驚熱泄白下名曰大腸虛冷也

黃連補肺湯 治大腸虛冷痢下青白腸中雷鳴相逐

黃連 四兩

茯苓

芫薺 各三兩

酸石榴皮 五片

地榆 五兩

伏龍肝

雞子大一枚

右六味㕮咀以水七升煮取二升半去滓下伏龍肝末分三服

大腸主津所生病其氣不足寒氣客之則冷冷則虛痢下青白腸中雷鳴相逐黃連補肺湯芫薺散血寒黃連地榆解痢毒石榴皮伏龍肝固腸滑茯苓行津液而痢下青白腸中雷鳴亦除

幹南按 大腸實熱用瀉虛冷用補此恒法也千金於實熱却用生薑桂心於虛冷却用黃連地榆論者疑焉不知大腸合肺肺熱蒸冷裏熱表寒泄腸之所以用薑桂也大腸屬金金衰木乘下寒上熱補腸之所以用連榆也

灸法

腸中雷鳴相逐痢下灸承滿五十壯穴在俠巨闕相去五寸巨闕在心下一寸灸之俠巨闕兩邊各二寸半



食飲不下。腹中雷鳴。大便不節。小便赤黃。陽綱主之。
腹脹腸鳴。氣上衝胸。不能久立。腹中痛濯濯。冬日重感於寒。則泄。當臍而痛。腸胃間
遊氣切痛。食不化。不嗜食。身腫。俠臍急。天樞主之。
腸中常鳴。時上衝心。灸臍中。
腸鳴而痛。溫留主之。



唐
千
金
類
本



南京中

药大学

图书馆

大学图书馆

肛門論第三

論曰肛門者主大行道。肺大腸候也。號為通事。令史重十二兩。長一尺二寸。廣二寸二分。應十二時。若臟猶言裏傷熱。則肛門閉塞。大行不通。或腫縮入生瘡。若腑猶言表傷寒。則肛門開。大行洞瀉。肛門凸出良久。乃入熱。則通之。寒則補之。虛實和平。依經調之。方在第二十四卷中。解毒並雜治脫肛第六

幹南按。脫肛第六。內載肺熱肛門熱閉塞。或腫縮。銳通方。用白蜜煎令燥。為丸長六七寸。納肛門中。即蜜導煎法。取潤利。大腸寒。肛門寒。洞泄。或滯出。豬肝散。用豬肝。合黃連。阿膠。烏梅。苦窮。艾葉。即上黃連補肺湯法。取苦燥。一則治塞。以通。通因塞用。一則治寒。以熱。熱因寒用。大腸為肺出路。肛門又為肺大腸出路。實熱虛寒。治法妙用。不同而同。可參秘旨。



南京中

药大学

图书馆

皮虛實第四 論一首 方二首

論曰夫五臟六腑者有寒有熱內應骨髓外合皮毛。若病從外邪生而毛所然起亮則皮

毛絡脉不通膚肉陰陽而外格強急舒不若病從內邪發則骨髓疼痛然後肉爛而皮毛實

論然陰陽表裏外皮內髓其病源大腸之虛實由肺不可不詳之也。皮虛者多寒皮實

者多熱凡皮虛實之應主於肺大腸實然病發於皮毛而實應於臟腑熱則應臟虛

生外寒則應腑

蒟蒻蒸湯 治皮虛主大腸病寒氣關格

蒟蒻根葉切三升 菖蒲葉切二升 桃葉皮枝對三升

細糠一斗 秫米三升

右五味以水一石五斗煮取米熟為度大盆器貯之於盆上作小竹牀子罩盆人身坐牀中四面周迴將薦薦障風身上以衣被蓋覆若氣急時開孔對中泄氣取通身接汗可得兩食久許如此三日蒸還溫藥足汁用之若盆裏不過熱盆下安炭火非但治寒但是皮膚一切勞冷悉皆治之

肺病多作皮寒熱肺與大腸合寒則應腑大腸受之大腸病寒氣關格內關外格皮

膚勞冷蒟蒻蒸湯蒟蒻菖蒲治風寒濕痺桃葉皮枝行皮膚滯血重以細糠之通腸

胃滑肌膚秫米之治寒熱利大腸秫者肺之穀別錄治寒熱煮汁蒸汗由皮毛透入

痿。理大腸病去。而寒氣闕格自除。

梔子煎 治皮實主肺病熱氣

梔子仁

枳實

大青

杏仁

柴胡

芒硝各二兩

生地黃

淡竹葉

切各一升

生玄參

五兩

石膏八兩

右十味。㕮咀。以水九升。煮取三升。去滓下芒硝。分為三服。

肺病多。作皮寒。熱肺與大腸合。熱則應臟。肺受之。肺病熱氣怫鬱。皮膚厚實。梔子煎。梔子大青。石膏。清肺火。生地玄參。滋肺液。柴胡竹葉杏仁。疏肺表。枳實芒硝。通肺裏。由腸胃達出皮毛。肺病除。而熱氣怫鬱自解。

效嗽第五

論二首 證七條 方六十首 灸法十四首

論曰經云五臟六腑皆令效肺居外而近上合於皮毛皮毛喜受邪故肺獨易為效也邪客於肺則寒熱上氣喘汗出效動肩背喉鳴其則唾血肺效經久不已傳入大腸其狀效則遺糞腎效者其狀引腰背痛甚則效涎腎效經久不已傳入膀胱其狀效則遺尿肝效者其狀左脅痛甚者不得轉側肝效經久不已傳入膽其狀效則清苦汁出心效者其狀引心痛喉中介介如梗甚者喉痺咽腫心效經久不已傳入小腸其狀效則失氣脾效者其狀右脇痛陰陰引肩背甚者不得動動則效劇經久不已傳入胃其狀效而嘔嘔甚則長蟲出久效不已三焦受之三焦效之狀效而腹滿不能食飲以上言五臟之效傳於六腑此皆聚於胃關於肺使人多涕唾而面浮腫氣逆也若順時有風寒冷人觸冒解脫傷皮毛間肺與大腸皆合皮毛入臟腑為效上氣如此也有非時忽然暴寒傷皮膚中與肺合則咳嗽上氣或胸脇又痛效唾有血者是其熱得非時之寒暴薄之不得漸散伏結深喜肺癰也因效誤而服溫藥效尤劇反壯熱吐膿血汗出惡寒是也天有非時感寒而效者急看四時方也

問曰效病有十何謂也師曰有風效有寒效有肢效有肝效有心效有脾效有肺效有腎效有膽效有厥陰效問曰十效之證以何為異師曰欲語因效言不得音謂之風效飲冷食寒因之而效謂之寒效心下堅滿效則肢痛其脉應數而反遲陽氣不達於四肢

謂之肢欬。欬則引脇下痛。謂之肝欬。欬而唾血。引手少陰。謂之心欬。欬而涎出。續續不止。引小腹。謂之脾欬。欬引頸項。而垂涎沫。謂之肺欬。欬則耳無所聞。引腰并臍中。謂之腎欬。欬而引頭痛。口苦。謂之膽欬。欬而引舌本。謂之厥陰欬。風欬者。邪在表。不下之寒欬。肢欬。肝欬。刺足太衝。心欬。刺手神門。脾欬。刺足太白。肺欬。刺手太泉。腎欬。刺足太谿。膽欬。刺足陽陵泉。厥陰欬。刺手太陵。

夫久欬為疔。腫音稅。欬而時發。熱脈在九菽者。一作卒。弦難經。脈有輕重。初持脈。如二菽之重。與血脈相得者。心部也。如九菽之重。與肌肉相得者。脾部也。非虛也。此為胸中寒實。痰熱鬱於上。所致也。當吐之。

夫欬家其脈弦。為有熱。欲行吐藥。當相人強弱。而取無熱。乃可吐耳。強可吐。弱不可吐。熱不可吐。無熱不可吐。

欬家其人脈弦。為有水。可與十棗湯下之。方見下。

不能卧出者。陰不受邪故也。留飲欬者。其人欬不得卧。引項上痛。欬者。如小兒掣縱狀。夫酒客欬者。必致吐血。此坐久極飲過度所致也。其脈沉者。為內虛。不可發汗。久欬

數歲。其脈弱者。可治。實大數者。死。其脈虛者。必善冒。其人本有支飲。在胸中。故也。治

屬飲家。上氣汗出而欬。屬飲家。欬而小便利。若失溺。為內虛。不可發汗。汗出即厥逆冷。

夫病吐血。喘欬上氣。其脈數有熱。不得卧者。死。寒家。欬而上氣。其脈數者。死。謂其人

形損故也。脈大而散。散者。為氣實而血虛。氣屬表。血屬裏。名曰有表無裏。上氣面腫。肩息。

其脉浮大

陽脫

不治加痢

陰竭

尤甚上氣躁而喘者屬肺脹欲作風水表氣發汗愈

幹南按本論明謂肺合皮毛皮毛喜受邪獨易為欬經久不已乃傳大腸然則此條欬嗽與下痰飲均應入肺臟顧乃附於大腸何也予讀素問通評虛實論五臟不平六腑閉塞所生二語以臟病而歸本於腑即以肺病而歸本大腸治欬治肺法易知治欬治大腸法難識夫六腑以通為補大腸氣閉塞致肺臟不平而欬嗽與痰飲生焉千金欬嗽及下痰飲諸方開肺即以開腸潤肺即以潤腸開潤二法即通法治欬嗽以此治痰飲以此即以治肺者治大腸亦以此不但以諸方中間用大黃巴豆為大腸欬大腸痰飲正治法也思邈於肺臟不列欬嗽痰飲而附入大腸其有微意歟

欬逆外閉方十一首

麻黃散

主上氣嗽

麻黃

半斤杏仁百枚

甘草

三兩桂心一兩

右四味治下節別研杏仁如脂納藥末和合臨氣上時服一方寸匕食久氣未下更服一方寸匕日三匕氣發便服即止一方去桂心甘草

大腸主津所生病下流所歸水氣易停上襲於肺皮毛外閉上氣而欬巢源肺氣有

氣此為邪搏於氣氣壅不得宣發是為有餘也麻黃散重用麻黃佐桂心甘草本經甘草治寒熱邪氣開表邪杏仁降

唐千金類方

卷十七

欬嗽

八

上海十項堂書局發行

肺氣仿傷寒無汗而喘麻黃湯治法為散氣發便服而上氣嗽自除

杏仁煎 治冷嗽上氣鼻中不利

杏仁 五合

五味子

款冬花 各三

紫苑 二兩

甘草 四兩

乾薑 二兩

桂心 二兩

麻黃 一斤

右八味以水一斗煮麻黃取四升治末納諸藥又納膠飴半斤白蜜一斤合

納汁中攪令相得煎如飴先食服如半棗日三服不知加之以知為度

大腸主津所生病下流所歸水氣易停上襲於肺皮毛外閉冷嗽上氣鼻中不利杏

仁煎重用麻黃杏仁佐桂心甘草開表邪生薑易乾薑祛冷嗽紫苑款冬合五味子

止欬逆膠飴白蜜補肺津而冷嗽上氣鼻中不利自除亦汗法

幹南按千金七竅病多用辛潤之藥此方及下欬逆內燥杏仁煎通聲膏均同

此旨

射干麻黃湯 欬逆上氣喉中如水雞聲

射干

紫苑

款冬花 各三

麻黃

生薑 各四

細辛 三兩

半夏

五味子 各半

大棗 七枚

右九味以水一斗二升先煮麻黃去上沫納藥煮取三升去滓分

三服日三